

# 治家格言

·百善孝爲先·



# 治家格言

中華書局影印

卷一 誓言

地主水牛，市民穿得五風雲上幾丘。

電話：2495789，9222653

郵局：221111


收書人：中華書局影印


地主水牛，市民穿得五風雲上幾丘。

註：此書為中華書局影印本，非原書。

# 治家格言

三字經  
千字文  
朱子家訓  
弟子規  
人生必讀  
圖書夜話











# 格言語粹

△古今來許多世家，無非積德。天地間第一人品，還是讀書。

△讀書卽未成名，究竟人高品雅。脩德不期獲報，自然夢穩心安。

△請未見書，如得良友。見已讀書，如逢故人。

△立身以力學為先，力學以讀書為本。(歐陽修)

△人之氣質本難變化，惟讀書則可變化氣質。(曾國藩)

△外物之味，久則可厭，讀書之味，愈久愈深。

△讀書第一要有志，第二要有識，第三要有恆。(曾國藩)

△事雖小，不作不成。子雖敏，不教不明。

△書不成誦，無以致思索之功；書不精思，無以得義理之益。(胡達源)

△天下事利害恆相半，惟讀書則有全利而無少害，讀書一卷，則有一卷之益，讀書一日，則有一日之益。(陳眉公)

△學不可緩，亦不可急，緩則怠而無功，急則進銳而退速。(詹柳)

△人而無學，則不能燭理；不能燭理，則固執而不通。(邵雍)

△積善之家，必有餘慶；積不善之家，必有餘殃。

△善不積，不足以成名；惡不積，不足以滅身。(《易經》)

△作德心逸日休，作偽心勞日拙。

△積善而望報於天者無福，施恩而求報於人者無德。

△富者省一時之費，可以濟數口之糧；分半臂之裘，可以救數家之寒。

△為人莫作虧心事，舉頭三寸有神明。(俗語)

△為人處世，利人之善才是真善，利己之善則是假善。

△無所求而為之善是真善，有所謀而為之善是假善。

△世間第一好事，莫如救難濟貧，人老不遭天禍，舍施能費幾文。(《呂近溪》)

△為善而人知之，則為陽善。為善而人不知，則為陰德，陰德天報之，陽善名歸之。

△一念之善，一念之惡，天地鬼神悉知之。不待出諸口，而行諸事也。念之起處，要加慎畏。

△貧而好施，功倍於富，貴而好聚，惡倍於貧。(《古語》)

△得飽便休，身外黃金無用物；遇閒且樂，世間白髮不饒人。

△知足常樂，終身不辱；知止常止，終身不耻。（老子）

△志之所趨，無遠弗屆，窮山距海，不能限也。志之所嚮，無堅不入，銳甲精兵，不能禦也。（陳伯汝）

△家有千金之玉，不知治，猶之貧也。（韓詩外傳）

△命裏有時終須有，命裏無時莫強求。

△填不滿慾海，攻不破愁城。

△知止而後能定，定而後能靜，靜而後能安，安而後能慮，慮而後能得。（大學）

△無貴賤不悲，無富貧亦足。（杜甫）

△金玉滿堂，莫之能守。（老子）

△富不學奢而奢，貧不學儉而儉。（任子）

△耕牛餘宿草，倉鼠有餘糧，萬事分已定，浮生空自忙。（朱熹）

△養心莫善於寡欲。（孟子）

△貧莫貧於無才；賤莫賤於無志。（汪革）

△士子喜聞諛言，學問必不進；搢紳喜聞諛言，晚節必不終。

△念自己有幾分不是，卽我之氣平；肯說自己一個不是，卽人之氣亦平。（史搢臣）

△玩古訓以懲心，寡酒色以清心；却私慾以養心，悟至理以明心。（陸子）

△心無憂慮，就是逍遙佛祖；身無病痛，就是快樂神仙。（傳家寶）

△事事反己，世上儘可怨之人；時時問心，腹中少難言之隱。（文中子）

△清真冷淡功修，歷久愈有意味；熱鬧榮華境遇，一過輒生清涼。（成語）

△禍莫大於縱己之欲，惡莫大於言人之非，病莫大於不知己之失。（孫奇遇）

△智者改過而遷善，愚者恥過而遂非；遷善則其德日新，遂非則其惡日積。（陸宣公）

△人者，天地萬物之心也；心者，天地萬物之主也。（王陽明）

△人之耳目心思，必有所用，不入于正，卽入于邪。（傳家寶）

△丈夫有志願，誰謂我無成。（許謙）

△先去私心，而後可以治公事。先平己見，而後可以聽人言。

△人前莫說人長短，始信人口更有人。(俗語典)

△終身為善不足，一日成惡有餘。(何坦)

△勢可為而不為，即是善；力可行善而不行，即是惡。(顏光衷)

△人生在世，度量放寬些，一切好歹都要容得；眼界放大些，一切高下，都要包得。

(傳家寶)

△人以品為重，若存一點卑污奴隸之心，便非頂天立地漢子；品以行為主，若有一件

余影愧怍之事，即非泰山北斗品格。(陶覺)

△古人無友不如己者，尚友之道也。求得賢者尚而友之，則聞其所聞，見其所見，而德日起矣。(游廣平)

△衣莫若新。人莫若故。(晏子)

△君子與君子，以同道為朋；小人與小人，以同利為朋。(歐陽修)

△與善人遊，如行霧中，雖不濡濕，潛自有潤。(抱朴子)

△大丈夫行事，論是非不論利害，論順逆不論成敗，論萬世不論一時。（謝枋得）

△樂太甚則陽溢，哀太甚則陰損，哀樂必得其中，方足以養陰陽。（陶覺）

△心不細，則慮事不周；心不定，則臨事必怯。平日不養定此心，到了忙時，安有把握？既無把握，安得不差錯。（陶覺）

△德隨量進，量由識長；故欲厚其德，不可不弘其量，欲弘其量，不可不大其識。（洪自誠）

△戕生之事非一，而莫大於好色；保身之道非一，而莫大於寡慾。（梁顯祖）

△遇不如意事，須恬靜忍耐以處之；若有一毫怨尤之意，便生許多躁擾，不惟累心，亦且累事。（夏錫疇）

△失意事來，治之以忍；快心事來，處之以淡。（陳良赤）

△欲做精金美玉底人品，定從烈火中鍛來；思立揭地掀天底事功，須向薄冰上履過。（顧三英）

△自家有好處，要掩藏幾分，這是涵育以養深。

△以才自足，以能自矜，則為小人所忌，亦為君子所薄。（曾國藩）

△學得一分癡獃，多一分快活。學得一分退讓，討一分便宜。

△處利讓利，處名讓名，澹然恬然，方不與世忤。（呂坤）

△凡人病根，大抵從傲來；能先除傲字，衆善自生。（倪文節）

△汝惟不矜，天下莫與汝爭能；汝惟不伐，天下莫與汝爭功。（書經）

△勿以身貴而賤人，勿以家富而驕人。（陶覺）

△有作用者，器宇定是不凡；有受用者，才情決然不露。（傳家寶）

△謙虛其心，宏大其量，去人我之見，絕意必之私。（王守仁）

△短不可護，護則終短；長不可矜，矜則不長。（趙謙）

△有一分謙退，便有一分受益處；有一分矜讓，便有一分挫折來。（胡達源）

△貧賤時，眼中不著富貴，他日得志必不驕，富貴時，意中不忘貧賤，一旦退休

必不怨。

△吾人終日，最不可悠悠蕩蕩，做空軀殼。（呂新吾）

△登山不以艱險為止，積善不以窮否而怨。八抱朴子

△不為聖賢，便為禽獸，莫問收穫，但問耕耘。（管子）

△精神散，無微弗敗；精神聚，無鉅弗成。（陳幾亭）

△不問成敗利鈍，祇問良心要做，便立志去奮鬥。（國父）

△人生世間，當抱莫大之希望，用熱心毅力，以開拓自己之命運。（管綠陰）

△父子同心土變金，兄弟協力山成玉。（古語）

△處朝野之日，不可將此身看得小，居廊廟之日，不可將此身看得大。

△讀書有四個字最要緊，曰闢語好問，做人有四個字最重要，曰務實耐久。

△儘前行者地步窄，向後看者眼界高。

△不讓古人是謂有志。不讓乎人，是謂無量。

△心志要苦，意趣要樂，氣度要宏，言動要謹。

△困辱非憂，取困辱為憂。榮利非樂，忘榮利為樂。

△心術以光明篤實為第一，容貌以正大老成為第一，言語以簡重真切為第一。

△惡言不過口，苛言不留耳。口者，闢也；舌者，機也；出言不審，駟馬不能追。（說苑）

△不知而說，是不聰明；知而不說，是不忠實。

△君子話簡而實，小人話雜而虛。

△贈人以言，重於珠玉；傷人以言，甚於劍戟。（孫子兵法）

△口蜜腹劍，見惡於人。（古諺）

△語言切勿刺人骨髓，戲謔切勿中人心病。（陸龍其家語）

△人要為人，當思異於禽獸者何處；人要為聖賢，當思異於凡庸者何在。（程漢舒）

△出處是士人大節，一步不可錯；取與亦士人之大節，一毫不可苟。（徐端雲）

△言語之惡，莫大於造謠。行事之惡，莫大於苛刻。心術之惡，莫大於深險。

△良藥苦口利於病，忠言逆耳利於行。（家語）

△大智與邦，不過集衆思；大愚誤事，不過好自用。（陳暢龍）

△人言未必皆真，聽言只聽三分。（呂近溪）

△天下無不可化之人，但恐誠心未至。天下無不可為之事，只怕立志不堅。

△青天白目的節義，自暗室屋漏中培來。璇乾轉坤的經綸，自臨深履薄處得力。

△快樂的時候說話，沒信用的多；憤怒的時候說話，失禮節的多。

△使人有面前之譽，不若使人無背後之毀。使人有乍處之歡，不若使人無久處之

厭  
◎

△面責人之短，人雖不悅，未必深恨。惟背地言其短，則恨有不可勝言者。

△有一言而傷天地之和者，不宜妄發。有一行而折終身之福者，不宜妄為。

△不必說而說，是多說，多說易招怨；不當說而說，是瞎說，瞎說要惹禍。

△士君子一言當百，不可多言取厭，虛言取薄，輕言取侮。○賀時泰

△莫言閒話是閒話，往往事從閒話生。——衛華

△開口譏諷人，是輕薄第一件，不惟喪德，亦足喪身。（傳家寶）

傳家寶